

К ОПУБЛИКОВАНИЮ

КОМИ РЕСПУБЛИКАЛӦН
ОЛАНПАС

**«Коми Республика мутасын алкогольа прӧдукция торйӧн вузалігӧн
торья корӧмьяс да содтӧд дзескӧдӧмьяс, а сідзжӧ алкогольтӧм
тонизируйтись юанторьяс торйӧн вузалігӧн дзескӧдӧмьяс
урчитӧм йылысь» Коми Республикаса Оланпасӧ
вежсьӧмьяс пыртӧм йылысь**

Примитӧма Коми Республикаса
Каналан Сӧветӧн

2024 вося ӧшым тӧлысь 18 лунӧ

1 статья. Пыртны «Коми Республика мутасын алкогольа прӧдукция торйӧн вузалігӧн торья корӧмьяс да содтӧд дзескӧдӧмьяс, а сідзжӧ алкогольтӧм тонизируйтись юанторьяс торйӧн вузалігӧн дзескӧдӧмьяс урчитӧм йылысь» Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмьяс, 2012, 34 №, 793 ст.; 71 №, 1848 ст.; 2013, 11 №, 225 ст.; 16 №, 318 ст.; 37 №, 691 ст.; 2014, 13 №, 190 ст.; 2015, 11 №, 133 ст.; 2018, 6 №, 99 ст.; 7 №, 123 ст.; 2020, 22 №, 358 ст.; 2021, 6 №, 107 ст.; 10 №, 194 ст.; 2022, 13 №, 199 ст.; 2023, 6 №, 91 ст.) татшӧм вежсьӧмьяс:

1.1 статьяса медводдза юкӧнлӧн 4 пунктн «квадратнӧй метрысь этшаджык» кывьяс вежны «квадратнӧй метрысь этшаджык волысьясӧс могмӧдан сезоннӧй залысь (зоналысь) площадьсӧ артышттӧг» кывьясӧн.

2. Содтыны татшӧм сюрӧса 1³ статья:

«1³ статья. Йӧзӧс ӧтув вердан услугаыс сетігӧн алкогольа прӧдукция торйӧн вузалӧны волысьясӧс могмӧдан сезоннӧй залын (зонаын) сэк, кор кутчысьӧма корӧмьясӧ, кутшӧмьясӧс урчитӧма «Этилӧвӧй спирт, алкогольа да спирта прӧдукция вӧчӧмсӧ да бергалӧмсӧ канмусянь ладмӧдӧм йылысь да алкогольа прӧдукцияӧн вӧдитчӧмсӧ (сійӧс юӧмсӧ) дзескӧдӧм йылысь» Федеральнӧй оланпасын 16 статьяса 4 пунктлӧн квайтӧд абзац серти.

Волысьясӧс могмӧдан сезоннӧй залыс (зонаыс) меститӧм да могмӧдӧм дорӧ корӧмьясӧ, а сідзжӧ документ, кутшӧм эскӧдӧ, мый волысьясӧс могмӧдан сезоннӧй залыс (зонаыс) лӧсялӧ индӧм корӧмьяслы, сетан пӧрадӧксӧ урчитӧ Коми Республикаса Вескӧдлан котыр.».

2 статья. Тайӧ Оланпасыс вынсялӧ сійӧс официальной йӧзӧдан лун бӧрын дас лун кольӧм мысти, тайӧ Оланпаслӧн 1 статьяса 1 пункт кындзи, мый вынсялӧ 2025 вося кӧч тӧлысь 1 лунсянь да лоӧ вына 2031 вося кӧч тӧлысь 1 лунӧдз.

Коми Республикаса Вескӧдлан котырлы примитны нормативнӧй инӧда актяс, кутшӧмьяс могмӧдӧны тайӧ Оланпас збыльмӧдӧмсӧ.

Коми Республикаса Юралысьлысь
могъяс недыр кад чӧж олӧмӧ пӧртысь

Р.Э. Гольдштейн

Сыктывкар
2024 вося ӧшым тӧлысь 25 лун
97-РЗ №